

LA EPÍSTOLA DEL APÓSTOL SAN PABLO A LOS EFESIOS

Pablo escribe a la iglesia en Efeso

1 Nugö, dúr Pablo, úr jmandaderogui car Jesucristo. Guegue xí hñixqui pa gu xij yu cjahni car tzi ddadyo jña ca dí emejü. Car Tzi Ta jítzi bi mbentsje di ddajqui nür bbefi-na, eso, xí nzojqui. Nuya, dí penquijü nar carta-na, nuquejü um hñohuiquijü guí bbüpü jar jñini Efeso. Í cjahniquijü ca Ocja, como xcú hñemejü car Jesucristo cja guí tenijü. ²Dí öjpi cam Tzi Tajü jítzi cja co cam Tzi Jmujü Jesucristo, da möxquiguejü pa guí hmüpü rá zö cja da nuquijü co cár tzi jmajte.

Bendiciones espirituales en Cristo

³Gu mbenijü, te tza rá zö cam Tzi Tajü jítzi, cja gu öjpijü mpöjje. Guegue úr Ta cam Tzi Jmujü Jesucristo. Xí ndo möxcöjü por rá nguehca dár yojmü car Jesucristo. Xí ddajquijü göhtjo cü bendición cü i pehtzi guegue pü jítzi, yojmi car ddadyo nzajqui ca ya xtí pehtzijü mbo um tzi müyü. ⁴Ante que di dyöti nür mundo, car Tzi Ta jítzi bi juanquigöjü pa gua emejü cár Tzi Ttü, gue car Jesucristo. Xí

juanquigöjü pa gu hmüpü guegue pü jítzi, jin te gri tujü ca drá nttzo, cja pa göhtjo drá zö cam hmüyü. ⁵Ya ma yabbü, car Tzi Ta jítzi bi mbentsje du pejni cár Tzi Ttü, car Jesucristo, cja di cjaipi í bajtzi cu to di hñeme-ca. Bi mbeni ncjapü como mí ndo neguijü. ⁶Rá ndo ngu cár ttijqui cam Tzi Tajü jítzi eso, bi cjagui í bajtziguijü. Guegue mí ndo ne cár Tzi Ttü, pe bi dö por rá nguejcöjü. Bi ncjapü gá jogui di perdonaguijü ca rá nttzo ca ndí tujü cja di núguijü co ni cár tzi ttijqui. Por eso, rí ntzöhui gu mbenijü te tza rá zö guegue cja gu öjpijü mpöcje, göhtjo ur tiempo. ⁷Cár Tzi Ttü ca Ocja bi fön cár cji, bi dü por rá nguejcöjü, hñe bi guti ca rá nttzo ca xtá ötijü, como bi ndo neguijü. ⁸Ncjapü xtá padijü te tza ngu ga neguijü ca Ocja, nim pa gá jiojqui cár Tzi Ttü. ⁹⁻¹⁰Guejtjo i ddajquijü ddadyo mfeni cam Tzi Tajü jítzi. Xí möxquijü pa xtü ntiendejü, ya má yabbü bi mbeni guegue ja drí ddajquijü car nzajqui ca jin da tjegue. Guejtjo xí ddajquijü mfeni pa gu ntiendejü ter beh cä da ncja bbü xta guaj nür mundo. Bbü ya xtrú nzudi göhtjo ca i nesta da ncja,

da ttun cár cargo car Jesucristo pa da mandadobi göhtjo yu i cja hua jar mundo, ngu cü bí cja pü jar jítzi, ngu yu i cja hua jar jöy. Guehcá bi mben car Tzi Ta jítzi desde bbü mí ttøti nür mundo. Nu cü cjeja cü xí tjogui, jí mí fadi ja mí ncja cár mfeni.

¹¹Ya má yabbü, car Tzi Ta jítzi bi juanquigöje dí judioje, pa gua emebije cár Tzi Ttü cja gua yojme-ca. Bi juanquigöje pa di ddajquije hnar herencia rá tzi zö, yojmi cár Tzi Ttü. Gue car Tzi Ta jítzi i mbentsje cja i mandado göhtjo yu i ncja. ¹²Nugöje, dí judioje, bbeto xtú emeje car Jesucristo. Como mí cjahnguije ca Ocja, xquí juanquije ya má yabbü, cja ndí tøhmije ca hnar hñøø ca du bbejni pü jítzi pa da möxcöje. Car Tzi Ta jítzi ya má yabbü xquí mbeni di cjagui í bajtziguje, pa di ttihztzibi guegue cja di ttøjpi mpöjce por rá ngue yam vidaje.

¹³Nuqueju hneje, guí hnahño cjahniyu, jin guí judioju, gü dyødeju car palabra ca i xijquiju jabü rí hñeh car nzajqui ca jin da tjegue. I ntjumuy car palabra-cá. Cja bbü ngu hñemeju cam Tzi Jmuju Jesucristo, car Tzi Ta jítzi bi ddahquiju car Espíritu Santo pa guí yojmü-cá, ncja ngu xquí prometebí cü to di hñeme car Cristo. Car Espíritu Santo i sirve ncja hnar seña, pa dár padiju, cierto, í bajtziguju ca Ocja. ¹⁴Nuya dí yojmü car Espíritu Santo, cja por rá nguehcá, dí padiju, cierto ca Ocja da ddajquiju car herencia ca bí pezquiju pü jítzi. Guegue segue da möxquigöju hasta bbü xtá ntjeju car

Jesucristo. Nubbá, cja da cüzquiju göhtjo ca rá nttzo ca dí núju menta dí bbupju hua jar jöy. Bbü xta ncja-ca, gu hmupju ca Ocja göhtjo ur tiempo, gu ndo xöjtibiju cja gu öjpiju mpöjce, como rá ndo nzedi guegue cja rá ngu cár tzi ttijqui.

**Pablo pide a Dios que dé
sabaduría a los creyentes**

¹⁵Nugö, ya xtú øde ja ncja grí hñemeju cam Tzi Jmuju Jesús, cja co ja ncja grí madiju cü ddaa cü xí hñeme hneje, como guejti-cü í bajtzi ca Ocja. ¹⁶Bbü dí nzoh ca Ocja, dí mbenquiju, dé dí öjpi cjamadi por rá nguehqueju. ¹⁷Dí öjpi cam Tzi Tajü jítzi da ddahquiju jogui mfeni pa da nguiqui ca grí meyaju cam Tzi Jmuju, guejtjo pa guí ntiendeju ja i ncja nür ddadyo hmuy xí ddajquiju. Ca xtá cuatiju jar dye car Jesucristo, ya xti padiju, te tza rá zö cam Tzi Tajü jítzi. ¹⁸Dí öjpi ca Ocja pa más da ndo yoti cár jiahtzi mbo ir tzi muyju, pa guí ntiendeju, guegue xí nzohquiju cja xí cjahqui í bajtziquiju. Por rá nguehcá, da jogui guí hmupju jar jítzi pü jabü bí pezquiju car herencia ca da uni göhtjo yu to i eme. Drá tzi zö car herencia-ca. ¹⁹⁻²⁰Guejtjo dí öjpi cam Tzi Tajü da ujtiquiju te tza rá nzeh cár poder. Co ni cár poder cam Tzi Tajü ba joguiguju cam hmuyju, pa gu caju ncja ngu ga ne guegue. Bbü ya xquí dü car Cristo, car Tzi Ta jítzi bi xotzi co ni cár ttzedi, cja pé bi zix pü jítzi. Bi hñix pü jabü bí jubí pa da möx cár jmandado. Nugöju, como xtú emeju car Jesucristo, i bbü mbo um muyju mismo cár

ttzedi ca Ocja ca bi xox car Cristo. ²¹Cja nuya bí juh pü jítzi car Jesucristo, i mandadobi göhtjo cü i pehtzi quí cargo hua jar jöy, cja co hneje göhtjo cü ángele cü bí mandado pü jítzi. Guegue i tapi göhtjo cü ddaa cü i ja í cargo, cja co göhtjo cü i ttihntzibi. Cja bbü pé xta ttøte ddadyo nür mundo, guegue pé da mandado pü hneje. ²²⁻²³Car Tzi Ta jítzi xí un cár cargo car Jesucristo pa da mandadobi göhtjo yu i cja hua jar jöy. Guejtjo úr Jmü göhtjo yu cjahni yu i eme. Guegue i jñejmi nür ña hnar cjahni, cja nugöjü, ncjahmu dí cjaü cár cuerpo guegue. I nesta da yojmi nür ña co nür cuerpo pa da hmüh cár nzajqui hnar cjahni, cja da hñáni. Nugöjü, dí ncjagöjü pü hneje, dí mföxjü car Cristo, cja dí yojmu-cá, pa da nigui hua jar mundo ja i ncja guegue. Guegue car Cristo i mandadobi göhtjo yu i cja hua jar mundo, cja i ungui nzajqui. Guejtjo rí hñeh car Cristo car ddadyo nzajqui ca dí pehtzijü. Ca dár yojmu guegue, jin te i bbetiguijü.

Salvos por el amor de Dios

2 Nuquejü, guí hermanojü jin guí judiojü, ya xquí yojmu car Jesucristo cja ya xquí pehtzijü car nzajqui ca rí hñe guegue. Nu cü cjeja cü xí tjogui, jí mí cjahniquijü ca Ocja. Ya xquí jiequijü pa güi bbedijü, como már ndo nttzo quir vidajü. ²Segue nguí øtiju cosa rá nttzo, ncja ngu cü pe dda cjahni cü jí í mejti ca Ocja. Mí mandadoquijü ca Jin Gui Jo, cja nuca guejtjo i mandadobi quí minga-ánglele cü i ntøxtihui ca Ocja. Guejti cü cjahni

cü i tendi nür mundo, i bbajtiju úr dye guegue, por eso jin gui ne da dyøjtiju ca i man ca Ocja. ³Hnequigöje, dí judioje, ndí bbüpje ncjapü ca hnar tiempo ca xí tjogui, bbü jí bbe ndí emeje car Jesucristo. Ndí øtije ca ndí netsjeje, mí egui cam nttzomfenije. Már nttzo cam hmøyje, cja mür ntzöhui di ttajquije hnam castigoje drá ngu. Ndí ncjaje ncja ngu cü pe dda cjahni cü jí í bajtzi ca Ocja. ⁴Nu car Tzi Ta jítzi bi ndo juiguijü cja bi neguijü, dí göhtjojü, cja bi mbeni di möxquijü göhtjo co cár tzi ttijqui. ⁵Nugöjü, jí ndí jojü guegue, cja ya xi ndár ma gua bbedijü, como már ndo nttzo ca ndí øtijü. Nu car Tzi Ta jítzi bi möxquijü co cár tzi ttijqui. Bi guxquijü pü jabü ndí bbüpjü. Cja nuya, ca xtá cuatiju jar dye car Jesucristo, car Tzi Ta jítzi xí ddajquijü hnar ddadyo nzajqui, ncja ngu ca bi un car Cristo bbü mí cjajpi bi jña úr jña. ⁶Bbü mí nantzi car Jesucristo, ncjahmu dú jña üm jñajü hneje, como dí yojmu guegue. Cja nuya i ccajtiguijü ca Ocja ncjahmu ya xtú tzøniju nü jítzi, como dí yojmu ca hnáa ca bí juh pü jar jogui dye cár Tzi Ta. Eso, ncjahmu ya xtí jupjü hnanguadi pü jabü bí bbüh cam Tzi Jmüjü. ⁷Bbü xta zøh car pa bbü xta nigui car Cristo cja gu mpejnijü-ca, nubbu ntjumøy gu hmüpjü guegue göhtjo ur tiempo. Nubbu, xta fadi te tza ngu i neguijü ca Ocja, cja por rá nguehca xcá nguxquijü co ni cár tzi ttijqui, da tsjøjtibi göhtjo cü cjeja cü ba eje. ⁸⁻⁹Gui mbenijü, jin te xcú dyøtijü pa di ttahquijü car nzajqui ca jin da tjegue, jøntsje ca

xquí cuatijü jár dye car Jesucristo. Göhtjo co cár tzi pöjö, ca Ocja xí ddahquijü hnar ddadyo hmüy, cja xí ngúzquijü ca rá nttzo ca nguí tujü. Jí rí ntzöhui pa to da ma, guegue xtrú ndátsje cár salvación. Ca to da mbeni ncjarü, i hñixtsje, cja jin gui cierto ca i ma. ¹⁰Ca xtá emejü car Jesucristo, ncjahmü xí dyøjquijü ca rá yo vez Car Tzi Ta jitzí. Xí dyøjquijü dí bbupjü ddadyotjo, pa gu hmupjü hnar vida rá zö, cja pa gu øtijü car bbefi ca ya xí mbeni guegue i nesta da ttöte.

**La paz que tenemos por
medio de Cristo**

¹¹Gui mbendijü, ja nguí ncjajü máhmeto, porque nim pa nguí pertenejü quí cjahni ca Ocja. Jõña car raza israelita mí cjahni ca Ocja máhmeto. Cü hñøjø israelita, göhtjo i cuatijü ca hnar seña jáy cuerpojü, pa da mbenijü to í mejti. Cja guegue-cü mí tzanquijü, como nuquejü, jin te i cuati car seña-ca pü jer cuerpojü. Mí xihquijü, jí mí cjahniquijü ca Ocja. Nugöje, dí cjahni israelitaje, jõña xøtzetjo i ncuajtiguie ca hnar seña pa gu mbenije, í cjahniguie ca Ocja. ¹²Nuquejü, gui mbenijü ja nguí ncjajü bbü jí bbe nguí emejü car Jesucristo. Nguí nguati cjahnitjojü, jí mí jnequijü. Nin te múr ncjagüeju cü cjahni israelita. Jí mí tocaquijü cü promesa cü xquí ttun cü israelita. Ca Ocja bi dyøhtibi cü cjahni israelita hnar compromiso. Nuquigüeju, jin tema compromiso bi dyøjtiquijü guegue. Nim pa nguí mpadijü ca Ocja. Nguí bbüjtsjeju hua jar mundo. Ni mpa

nguí mbenijü, ðtoca di ddahquijü car nzajqui ca jin da tjegue?

¹³Nuquejü, guí cjahnijü jin guí judiojü, máhmeto, jí mí tjequijü güi cuatijü ca Ocja, pe nuya, ca xquí hñemejü car Cristo Jesús, car Tzi Ta jitzí xí cuajtiquijü gá bajtzi. Nuya, por rá nguehca gá ndü guegue, car Tzi Ta jitzí ya xqui nuquijü rá zö.

¹⁴Máhmeto, mí uhui cü judio, co cü jí mí judio, mí wegüeju. Nu car Jesucristo bi nzoquijü dí göhtjojü co ni cár tzi ttijqui. Cja yü xtú cuati guegue, ya xtú mpejnijü, dí göhtjojü, ncjahmü xtú cjaü hnaatjo ur raza. Nuya jin te i wegüijü. Ya xqui bbupjü rá zö göhtjo yü to i eme, masque dur judio o jin dur judio.

¹⁵Car Jesucristo bi cumpli göhtjo ca i man car ley, cja bbü mí dü, bi tjaquibi cár ttzedi car ley. Ya jin to i nesta da den cü mandamiento cja co cü costumbre cü i cuati pü, pa da tzøh ca Ocja. Nuya, car Tzi Ta jitzí i ccahti parejo göhtjo yü cjahni yü xí nguati jár dye car Jesucristo, masque dur judio o jin dur judio. Xí ngo úr müy guegue, i ccahti rá zö göhtjo cü to i emebi cár Tzi Ttü, cja nucü, i majtsjeju hneje. ¹⁶Bbü mí dü car Cristo pü jar ponti, bi nttzedi pü ca mír uhui cü judio, co cü cjahni cü jí mí judio. Guejtjo bi nttzedi pü ca jí mí johui yü cjahni co car Tzi Ta jitzí. Cü cjahni cü mí wegue máhmeto, ya xí nguatiü car Jesucristo, cja ncjarü xcá mpejnijü. Nuya, ncjahmü xtú cjaü hnaadi car familia, göhtjo í mejtiguijü ca Ocja.

¹⁷Bbü mbü eh car Jesucristo, bi nzoh cü judio cja co hneñ cü cjahni cü jin gui judio. Bi xifi göhtjo, ya xquí go úr müy car Tzi Ta jitzí.

Nuya, ca Ocja di perdonabi yu cjahni ca rá nttzo ca mí tujü, cja nuya, göhtjo di jogui di guatijü cár Tzi Ta. ¹⁸Ca xtá cuatijü jar dye car Jesucristo cja ca dár yojmü cár Tzi Espíritu ca Ocja, dí göhtjoju dí pehtzijü derecho gu cuatijü car Tzi Ta jítzi, cja gu xijmü um Tzi Tajü, masque dí judioju o jin dí judioju. ¹⁹Nuqueju hermano, masque jin guí judioju, car Tzi Ta jítzi ya xqui ccajtiquijü ncja ngu cü pe dda cjahni cü xí hñeme. Guejtiqueju, í bajtziquijü ca Ocja. Nuya guí pehtzijü derecho ncja ngu cü derecho cü i pehtzi cü cjahni judio cü xí hñeme car Jesucristo. Nuya, jin guí nguati cjahnitjoju, cja jin guí cjahnijü cü jin gui jmeya. Guejtiquigüeju, guí minguju jítzi ya. ²⁰Nuqueju, guí jñejmü hnar ngu ca xí tjøx pü xøtze hnar cimientó rá zö, porque xcú hñemeju car palabra ca bi man quí jmandadero car Jesucristo cja co cü profeta. Car palabra-ca i jñejmi cár cimientó car ngu, cja guegue i jñejmi ca hnar medo ca xí tjajni rá zö. Bbeto i cjöti car doo-cá jar cimientó pa da døx quí minga-medohui. ²¹Car ngu-ca i hñöte digue göhtjo cü cjahni cü i emejü car Jesucristo, cja guegue-ca i nü car bbefti pa da ttöte rá zö. Segue ba cuati cü cjahni cü i eme, i jñejmi doo cü ba hñü. Ncjapü ga té car ngu hasta bbü xta zøx ca rá nte ca xí fembi. Ncjadipü hneje ga tsjox cár ngu ca Ocja. Bbü ya xí nguadi göhtjo, nubbu, ya xta nigui hnar templo drá zö pa da tsjöjtibi ca Ocja. ²²Guejtiquigüeju hneje, guí jñejmü cü dda medo cü da ñuti jáy cjoti cár templo ca Ocja, como

xcú cuatijü jar dye car Jesucristo. Guí cjaü cár templo ca Ocja, como guegue i bbü mbo ir tzi mayü por digue cár Tzi Espíritu.

Pablo encargado del evangelio para los que no eran judíos

3 Nugö, dúr Pablo, i cjojqui por rá nguehca xtú xij yu cjahni nür palabra digue car Jesucristo. Gue yu cjahni yu jin gui judio dí uni um may dí nzofö. Eso, dí nzoh ca Ocja por rá nguehqueju. ²Pe ntoja ya xcú dyödeju, car Tzi Ta jítzi xí hñixquigö pa gu tungui nür ddadyo palabra digue car Jesucristo. Eso, dí nzoh quir minga-cjahnijü cü jin gui judio. ³Car Tzi Ta jítzi xí ujtigui hnar mfeni ca jí mí fa máhmeto. Ya xtú xihquijü tengü palabra digue ja i ncja car mfeni-ca. ⁴Bbü xquí ccajtijü nar carta-na, da jogui gui jñajü ur huenda, cierto, xí ujtigui car Tzi Ta jítzi ca hnar mfeni rá tzi zö ca jí mí fah cü cjeja cü xí tjogui. Ddatsje ca Ocja mí padi, como guegue bi dyöte göhtjo yu i bbüy. Tzædi, bbü di hñeh car Cristo jar jöy, di cjaipi í bajtzi ca Ocja rá ngu clase yu cjahni, jin gui jøntsje cü judio. ⁵Car mfeni-ca jin gá tsjih cü cjahni cü tiempo cü xí tjogui. Cü tiempo-cü, jøña cü cjahni cü mí judio mí tsjijmü í cjahni ca Ocja. Pe nuya, ca Ocja xpá menquijü cü dda quí jmandadero cja co quí profeta, hne gá nzojquijü, cja por guegue car Tzi Espíritu Santo, ca Ocja xí xijmü quí jmandadero hnar ddadyo mfeni digue car Cristo. ⁶Gue nar ddadyo mfeni-na xí tsjijquijü yu pa ya. Yu to da hñeme car Jesucristo, tanto cü jin gui judio, cja co hñeh

cá judio, da cjaꝯ í cjaꝯni ca Ocja, cja da ttun cá bendición cá mí ttuni jøntsje cá judio máhmeto. Dí gøhtjoꝯ, como ngu xta cuatijá car Jesucristo, dí cjaꝯ cár cuerpo. Guejtjo dí gøhtjoꝯ gu núꝯ car promesa cá bi tsjih cá cjaꝯni judio máhmeto, tzædí, gu nuꝯ car nzajqui cá jin da tjegue.

⁷Nuguigö, jin drá ntzögöbbe pa gu ma nür evangelio. Nu ca Ocja co ni cár tzi pøjö bi nzojqui, bi ujtigui te tza rá nze guegue, bi pötigui cam mfeni, cja bi ddajqui nam cargo.

⁸Nugö, jin te dí mubbe, jin te dí sirve. Nu cá pé dda qui bajtzi ca Ocja, i ndo muhui-cá. Nu ca Ocja bi nzojqui co ni cár tzi ttijqui, bi ddajqui nür bbefi nū dár nzoh cá cjaꝯni cá jin gui judio. Dí xijmá te tza rá zö car Jesucristo cja co te tza rá nzedi. Cá to da guati jár tzi dye, da ttunijá hnar tjaja rá tzi zö. Jí bbe i jogui gu ntiendeꝯ ja i ncja car tjaja-ca, como rá ndo jítzi. ⁹Nugö, bi ttixquigö pa gu xij yá cjaꝯni ja i ncja cár mfeni ca Ocja cá jí mí fadi cá cjeꝯa cá xí tjogui. Ddatsje cá Ocja mí padi, como guegue bi dyøte gøhtjo yá i bbáy. ¹⁰Nuya, ya xí ncja cá mí mben car Tzi Ta jítzi desde yá ma yabbá. Ya xná ngu cá cjaꝯni, gøhtjo jabá minguꝯa, ya xí hñemeꝯa car Cristo. Ncjará xcá nigui te tza rá zö cja te tza rá jítzi cár mfeni car Tzi Ta jítzi. Hasta cá ángele cá bí mandado pá jar jítzi, co ni cá dda ndají cá i pehtzi úr cargoꝯa, gøhtjo da badijá ja i ncja cár mfeni ca Ocja. Bbá xta jiantijá cá cjaꝯni rá ngu cá ya xí nguati car Jesucristo, nubba, cja da ndo hño í mayá bbá. ¹¹Bbá jí bbe mí

bbáj nür mundo, ya xquí mben car Tzi Ta jítzi dí cjaꝯni í bajtzi rá ngu cjaꝯni, minguꝯa gøhtjo tema jöy, cja di un car nzajqui cá jin da tjegue. Cja bbá mí nigui cam Tzi Jmuꝯa Jesucristo, nubba, bi záh cá xquí mben ca Ocja. ¹²Ya xí jogui gu cuatijá car Tzi Ta jítzi, gøhtjoguiꝯa, como ngu xta cuatijá jár dye car Jesucristo. Ya jin dí ntzuꝯa, como ya xtí padijá, da nuguiꝯa rá zö cam Tzi Tajá. ¹³Eso, dí xihquijá, jin da ddahquijá úr dumáy cá dár hmájco hua jar födi, cja dár sufri por rá nguehqueꝯa. Gui mbenijá, te tza ngu i mahquijá cá Ocja, como di sufrigö hua pa da jogui gui dyødeꝯa ja ncja grí hmájꝯa car Cristo gøhtjo úr tiempo.

El amor de Cristo

¹⁴Nuquigueꝯa, xí nzojtiqui ir tzi mayá cam Tzi Tajá jítzi, pa xquí cuatijá car Jesucristo. Eso, bbá dí ora, dí öjpi cam Tzi Tajá da möxquigueꝯa. ¹⁵Guegue xí ungui nzajqui gøhtjo yá cjaꝯni yá i bbájꝯa jar jöy, cja co hñe gøhtjo cá to bí bbáh pá jítzi. ¹⁶Dí öjpi da möxquijá co ni cár Tzi Espíritu, pa gui zedijá cá grí hñemeꝯa, cja pa gui yojmá gøhtjo co cár ttzedi ca Ocja. Rá ndo nze guegue, guejtjo i pehtzi gøhtjo cá dí jonijá. ¹⁷Guejtjo dí öjpi cam Tzi Tajá jítzi da möxquijá, pa segue gui yojmá car Jesucristo, como ya xquí padijá, guegue-ca i bbá mbo í may yá to xí hñeme, cja i ddahquijá car ddadyo hmáy cá gui pehtziꝯa ya. Cja pé dí öjpi ca Ocja da möxquijá pa gui nxödijá gui mah quir mingga-hermanoꝯa, gøhtjo

mbo ir møyju. ¹⁸Dí öjpi cam Tzi Tajü da möxquijü, nuqueju co hneje göhtjo cü pe ddaa cü xí hñeme car Jesucristo, pa gui ntiendeju te tza ngu i neguiju guegue-ca. Jin to i padí te tza ngu ga neguiju car Jesucristo. Rá ndo ngutsje car jmajte. I jñejmi nür jítzi, nü jin gui fadi ja i ncja ca rá nxidi, cja co ja i ncja ca rá ma, cja co ja i ncja ca rá nte. Jin gui fadi jabü sta rá tzöte cja co jabü sta rá ttze. Ncjapü hneje ga neguiju car Cristo, jin gui fadi jabü sta rá ttze cár jmajte. ¹⁹Pe ndejma dí öjpi cam Tzi Tajü da möxquijü pa gui padiju te tza ngu i neguiju car Cristo, masque jin gu jötiju gu ntiendeju göhtjo ja i ncja. I nesta gui padijü, cierto i ndo neguiju car Jesucristo. Nubbá, da hmu mbo ir møyju cár jmajte ca Ocja, göhtjo co car ddadyo hmøy ca rí hñe guegue. Nubbü, drá ndo zö grí hmöpju, ncja ngu ga ne ca Ocja.

²⁰Nuya, bbü, gu mbeniju te tza rá zö cja te tza rá nzeh cam Tzi Tajü jítzi. Jin tza i ntji cja jin tza i jítzi ca dí öjpiju guegue bbü dí oraju. Nu ca Ocja xí ddajquijü cár ttzedi, cja dí yojmü-ca. Como rá ndo nzedi guegue pa da möxquigöju, más drá ngu ca da ddajquijü cja más drá ndo zö ni ndra ngue ca dí öjpiju.

²¹Da ndo tsjötibi cam Tzi Tajü jítzi, como guegue-ca bi hñix car Cristo Jesús cja bú pejni pa bi guzquigöju ca ndí tujü. Guejtjo da tsjötibi ca Ocja por rá nguejcöju, göhtjo yu to xí cjajpi í bajtzi. Ncjapü da fadi te tza rá nzedi cja co te tza rá jítzi quí mfeni cam Tzi Tajü, cja da tsjötibi göhtjo cü cjeya cü ba eje, nim pa jabü drí guadi. Amén.

Unidos por el Espíritu

4 Nugö, dí bbü preso por rá nguehca dár man nür palabra cam Tzi Jmüju Jesucristo. Dí xihquijü, gui mbeniju, car Tzi Ta jítzi xí nzohquijü, xí cjahqui í bajtziquijü, cja por rá nguehca, i nesta gui hmöpju rá zö, ncja ngu rí ntzöhui. ²Jin gui hñixtsjeju, gui cjaju jogui cjahni. Gui pehtziju paciencia bbü te i cjahqui quer hñohuiju, cja gui majtsjeju. ³Gui mbeniju ja ncja grí mföxju, cja jin gui wegueju, como car Espiritu Santo xpá nziquijü guí göhtjoju pa xcú cuatiju car Cristo. Como hnaadi quer Tzi Jmüju, nuya da hnaadi quer mfeniju. ⁴Dí göhtjoju, í mejtiguju car Jesucristo, cja guegue-ca i ddajcöju car ddadyo nzajqui ca dí pehtziju. Ncjahmu dí cjaju cár cuerpo car Cristo. Guejtjo hnaatjo car Espiritu dí yojmu. Hnaadi cam Tzi Tajü xí nzojquijü pa gu ma grí hmöpju guegue. ⁵Hnaatjo cam Tzi Jmüju i mandadoguiju. Hnaatjo cár palabra xtú emejü. Hnaatjo car tsjixtje xí ncjaguiju ca xtá teniju car Cristo. ⁶Guejtjo, hnaatjo ca Ocja xí cjagui í bajtziguju, um Tzi Tajü-ca. Guegue xí dyöte göhtjo yu i bbüy, cja i mandadobi. I bbü mbo um møyju, göhtjoguigöju, como ngu xtá emejü. I ddajquijü cár ttzedi cja co ni quí mfeni pa gu ötiju car bbefi ca i ne guegue.

⁷Ca Ocja xí ddajqui cam bbefiju. Cada hnaagöju xí ttun ca xí ttungui úr bbefi, gue car bbefi ca xí jeguiju car Cristo. ⁸Xí ncjá ncja ngu ga mam pü jar palabra ca Ocja pü jabü i ina:

Bbũ pé mí bõx pũ jítzi, bi zix cũ preso rá ngu

Cjã bi ungui regalo cũ cjãhni cũ mí tenijũ.

⁹Como i mam pũ jar Escritura: “Pé bi bõx pũ jítzi,” dí padijũ, mismo car cjãhni ca bi bõtze, gue ca hnaa ca primero xcuí gah pũ jítzi, xpá hñecua jar jöy. ¹⁰Guejtsje cár Ttũ ca Ocja bú cajcua jar jöy cjã pé bi bõx pũ jar jítzi pa da mandadobi göhtjo yũ i bbũy. ¹¹Cjã bbũ pé mí zøm pũ, ncjahmũ bi ddajquijũ regalo, göhtjoguigöjũ, como ngu xtã emejũ. Xí ddajquijũ cãm cargojũ, yojmi cár tzi Espiritu Santo pa da möxquijũ gu pejpijũ. Yũ ddaaguigöjũ, bi hñixcöje gá jmandadero desde úr mudi. Más rá jítzi cam cargoje ca xí ttajquije. Cũ pé ddaaguigöjũ, bi cjaguijũ profeta. Guegue-cũ bi ttuni palabra gá consejo pa da nzoh cũ pé dda hermano. Cũ pé ddaa bi ttun cár cargojũ pa di tungui nür evangelio pũ jabũ jí bbe i fadi. Cũ pé ddaa, bi cjañũ pastor, cjã cũ pé ddaa ya, xí ttun cár bbefi da ujti yũ hermano te i mã nür palabra ca Ocja. ¹²Ncjanũ xcã ddajquijũ cada hnaaguigöjũ cam bbefijũ pa gu föx cãm mingã-hermanoju. Cada hnaaguigöjũ gu øtiju hnar bbefi ca da sirvebi ca Ocja. Ncjanũ, da ngujqui cũ cjãhni cũ da hñeme car Jesucristo, cjã más da zej yũ to ya xí hñeme, pa da zøti cár cuerpo car Cristo. ¹³Bbũ xtã tzøhtzigöjũ gu hmupjũ ncja ngu ga mben ca Ocja, nubbũ, ya jin gu weguejũ ca dár emejũ. Nubbũ, dí göhtjoju gu padijũ ja i ncja cár hmuy car Cristo. Gu ncjajũ ncja hnar hñøj, ya xnã nzedi, cjã ya xqui padi ter beh çã

da mefi. Gu ncjajũ ncja car Cristo, rá nzeh quí mfeni, rá ndo ngu cár ttijqui, cjã jin te i bbetibi. ¹⁴Ya jin gu hmupjũ ncja hnar bajtzi ca jí bbe i cja úr muy cjã i eme göhtjo ca i tsjifi. Ya xní ntzøhui da zeh cãm mfenijũ, pa jin to da jiöjquijũ. Ya jin gu emejũ hnahño palabra cũ jin gui ncjuani. Como i bbuj yũ dda cjãhni yũ i ndo padi da jiöjte. I dyo göhtjo pũ jabũ i ne, i joni ja drí jiöjquijũ pa gu emejũ bbetjri. ¹⁵Nugöjũ, gu segue gu emejũ car palabra ca ncjuani, cjã gu majmũ-ca. Guejtjo gu madijũ yãm mingã-cjãhni. Ncjanũ gu zedijũ ca dár yojmũ car Cristo, hasta bbũ gu tzøhtzijũ gu jñejmũ guegue. Car Cristo, ncjahmũ úr ñã hnar cjãhni, cjã nugöjũ, dí jñejmũ cár cuerpo, como guegue i mandadoguijũ. ¹⁶Gue car Cristo i ddajquijũ car ddadyo nzajqui ca dí pehtzijũ cja co cam tzedijũ. Ncja ngu nür cuerpo hnar cjãhni, i bbũ rá ngu quí parte, cjã göhtjo i ntøhtze cja i mföxjũ, dí ncjagöjũ pũ hneje. Bbũ dí yojmũ car Cristo cjã dí bbupjũ rá zø yãm mingã-hermanoju, dí mföxjũ pa gu zedijũ ca dár emejũ, cjã dí majtsjejũ. Ncjanũ ga ngujqui nür cuerpo car Cristo.

La nueva vida en Cristo

¹⁷Guejñũ dí xihquijũ, como xí ddajqui cam cargo cam Tzi Jmujũ Jesús, dí ddahquijũ consejo ja ncja grí hmupjũ. Ya jin gui ma gui hmupjũ ncja ngu cũ cjãhni cũ jin gui meya ca Ocja, como nucũ, rá ndo hmexuy quí mfenijũ. ¹⁸Xí ndo cjañũ memuy. Nim pa i padijũ ter beh çã rá zø, ter beh çã jin gui

tzö. Jin gui padijü ja i ncja ca Ocja, cja jin gui pehtzijü car ddadyo hmüy ca rí hñe guegue. ¹⁹Ya xí bbe úr tzöjü, i øtiju hmetzö. Ya xí hñemindo pa da dyøtiju ca rá nttzo, hasta i bbüü cü ddaa, ngu i ndo mpöjmu ga dyøtiju cosa rá nttzo.

²⁰⁻²¹Nuquiguejü, como ngu xquí hñemejü car Jesucristo, hnahño car hmüy ca xí ttujtiqijü pa gui tenijü ya. Pe bbü guí ncjadijü pü, ncja ngu máhmeto, nubbü, jin te ntjumüy xcrü hñemejü nær palabra nü i xijcöjü digue cam Tzi Jmujü Jesús. Gue nær palabra nü ncjuani. ²²Nuquiguejü, gui jieguijü ya ca nguí pejmu máhmeto. Gui dabeniü car hmüy-ca, porque nxøgue már nttzo. Göhtjo ür tiempo mí equijü quir nttzomfenijü. ²³Nuya, gui hmüpju hnar ddadyo hmüy, gui mbenijü cü jogui mfeni cü rí hñeh ca Ocja. ²⁴Car ddadyo hmüy ca xí ddahquijü car Cristo i jñejmi cár hmüy guegue. Gui segue gui tenijü-ca, pa gui nxödiü gui hmüpju limpio cja jin te gri tujü.

²⁵Como ya xcü hñemejü car Jesucristo, nuya, jin gui majmu bbetjri. Cada hnaaquiguejü, gui xih quer hñohui ca ncjuani, como ya jin dí bbüjtsjejü. Dí göhtjojü, dí caju hnaatjo ür cuerpo, gue cár cuerpo cam Tzi Jmujü.

²⁶⁻²⁷Bbü i ddahqui ür cue, gui mfödi pa jin gui ma gui dyøti ca rá nttzo. Cja bbü xcü tsjeyabi quer hñohui, dyo dé guí ncjapü. Ncjatica gui jion car manera pa grí mpöjmi, cja jin gui ungui lugar Ca Jin Gui Jo da dahqui.

²⁸Ca to múr be máhmeto, ya jim pé da mpe. Da nxödi tema bbefi

drá zö, pa da daja cja guejtjo pa da jogui da möx cü to te i nesta.

²⁹Ya jin gui majmu palabra rá nttzo, sino que gui majmu cü rá zö, pa da nzojtibi úr müy ca to da dyøde. Gui mbenijü ter beh cä drí ntzöhui gui xih cü to guí ñahui, pa ncjapü grí dyøhtibi ca rá zö. ³⁰Gui mbenijü, ya xquí yojmu cár Tzi Espiritu ca Ocja, eso, jin gui majmu tema palabra ca drí ungui ür dumüy guegue. Ca Ocja xí ddajquijü cár Tzi Espiritu. Eso, dí padijü, í mejtiguijü guegue, cja ba eh car pa bbü xta dyøjqijü nxøgue ddadyo. Nubbü, gu jñejmu car Cristo, göhtjo drá tzi zö cam hmüyju.

³¹Bbü te xí cjahqui quer hñohuijü, gui dabeniüjü. Dyo guí mbenijü ja grí cohtzijü, cja gui jiejmu car cue. Ya jin gui ntujnijü o gui huenijü. Ya jin gui tzan quir hñohuijü, cja jin to gui üjü. ³²Gui nxödiü gui mah quer hñohuijü, cja gui juijqijü. Gui perdonabijü ca te xí cjahquijü, porque xí ncjapü cam Tzi Tajü jítzi xcá perdonaguijü ca ndí tujü, por rá ngue cam Tzi Jmujü Jesucristo.

Cómo deben vivir los hijos de Dios

5 Nuquiguejü, í bajtziqijü ca Ocja, i ndo mahquijü-ca. Nuya bbü, rí ntzöhui gui hmüpju ncja ngu quer Tzi Tajü. ²Gui hmüpju quir mīnga-cjahnijü cor jmajte, ncja ngu car Jesucristo bi majquijü cja bi dö cár vida por rá nguejcöjü. Bbü mí ndötsje car Jesús pa bi bböhti, bi ndo tzøh car Tzi Ta jítzi. Bi ncjá ncja ngu hnar tzi deti ca bi jñegui bi bböhti pa bi jñahntibi ca Ocja.

³Nuquejü, gui jieguijü göhtjo cü cosa rá nttzo. Jin da hmübi

hnar hñøjø hnar bbejñā cū jí xtrú ntjajtihui. Jin gui dyøtiju hmetzö, cja jin gui ma gui neciobiju cār mejti pé hnar cjahni. Ya jin gui mbeniju cū cosa-cū, como jí rí ntzöhui da mbengui nttzomfeni yí bajtzi ca Ocja yū ya xí hñeme.

⁴Guejtjo, ya jin gui majmū palabra rá nttzo, cja hñeh cū cosa cū jí rí ntzöhui gu ñajū, dyo guí majmū-cū nu más pa gui cjaipiju da dendi cū pé ddaa. Ya jin gu mbeniju cū cosa-cū. Lugar digue güi ñajū ncjapū, gui mbeniju ca rá zö ca xí cjaquiju ca Ocja cja gui dyöjpiju mpöjce.

⁵Gui mbeniju, car Tzi Ta jitzi jin da cuajti car cjahni ca i bbūbi ca hnaa ca jin gui ntjajtihui, ni digue car cjahni ca i yohti bbejñā o i yohti dame, o i øti pé hnar cosa rá nttzo. Ca Ocja guejtjo jin da cuajti car cjahni ca i nejpí cār mejti cār hñohui o i ndo ne da jñā, como nucá i jñejtihui ca i øti car cjahni ca i ihtzibi ídolo. Jin gui gue ca Ocja i ccahti mbo úr muy. Jin da ñuti pū jitzí cū to i øte ncjapū, como i mandado pū cam Tzi Tajū, yojmi cam Tzi Jmuju Cristo.

⁶Gui jñajū ur huenda, como i bbūh cū dda cjahni da xihquiju hnahñotjo. Da xihquiju, masque gu øtiju cosa ncja yū cja xtú xihquiju, ndejmā da perdonaguitjoju ca Ocja, cja da cuajtiguiju. Pe jin gui cierto ca i man cū jiójte-cū. Cū cjahni cū ya xní ma da bbediju, i øtiju cū cosa-cū, cja por rá nguehca, da ttun cār castigoju.

⁷Nuqueju ya, dyo guí teniju cū cjahni cū i bbujtjo ncjapū.

⁸Ca hnar tiempo, cierto, nguí bbupju jar bbexuy. Pe nuya, guí bbupju jar jiahtzi, como ya xcú

hñemeju cam Tzi Jmuju Jesucristo. Nuya bbū, rí ntzöhui gui hñoju jar jiahtzi.

⁹Porque ca to i dyo jar jiahtzi, i øti ca rá zö cja i man ca ncjuani. Jin gui nesta da gohmi ca i øte o da mehtzi úr tzö.

¹⁰Nuya bbū, gui nxödiyu gui dyøtiju ca i tzøh cam Tzi Jmuju.

¹¹Cja jin gui ma gui mföxju cū cjahni cū i øti ca rá nttzo, como nucū, i bbujtiju jar bbexuy. Mejor gui nzojmū, gui xijmū jin gui tzö ca i øtiju, xajmā da ntzohmitsjeju, cja da ne da guatiju jar jiahtzi.

¹²Hasta ur hmetzö gri majmū cū cosa rá nttzo cū i øti cū dda cjahni gá nttaguitjo.

¹³Nuqueju, bbū gui nzojmū cū cjahni cū jin gui padi ja i ncja ca Ocja, i pøni ncjahmū gár ihtzibi hnar tzibi pū jabū rá hmexuy. Nubbú da jñajū ur huenda, rá nttzo ca i øtiju, xajmā da jiejmū pa da guatiju jar jiahtzi.

¹⁴Xajmā da ncjá ncja ngu ga man car tzi himino, inā:

Nuque, guí jñejmi hnar cjahni i ajtjo, como jí bbe guí padi ter beh ca rá zö.

Nuya, gui tzö ya. Ya xqui nzohqui car Cristo.

I ne da ddahqui cār tzi jiahtzi.

¹⁵Nuqueju, ya xcú cuatiju jar jiahtzi guegue, eso gui ntzohmiju jar grí hmupju. Jin gui ncjaju ncja hnar dondo ca jin gui pah ca i øte, como nuqueju, ya xquí padiju ja i ncja ca Ocja.

¹⁶Gui jioniju cada mpa ja grí dyøtiju ca rá zö pa gui sirvebiju ca Ocja, porque yū pa ya, i ndo cja ca rá nttzo.

¹⁷Tji ya ca. Nuya bbū, jin gui cjaju ncja hnar dondo. Gui mbeniju ja grí hmupju pa da tzøh ca Ocja.

¹⁸Bbū guí ne gui mpöjmū, dyo guí ntiju, porque bbū ya xí ntí

hnar cjahni, i jöti quí nttzomfeni pa da dyöti ca rá nttzo. Nuquiguejü, mejor gui jñeguijü da mandadoquijü car Tzi Espíritu Santo, cja gui dyöhtibijü cár tzi voluntad. Nubbü, ntjumüy xquí mpöjmü bbü. ¹⁹Gui nzojtsjejü quir hñohuijü cü i eme. Gui mföxjü gui xöjtibijü salmo ca Ocja, o himino, co pé dda tsjödi. Gui xöjtibijü cja guejtjo gui mbenijü te i man cü palabra, cja gui mpöjmü göhtjo mbo ir tzi mayjü. ²⁰Göhtjo ür pa gui dyöjpijü cjamadi ca Ocja cam Tzi Tajü por rá ngue ca i cjahquijü. Como ya xcü cuatijü jâr dye cam Tzi Jmujü Jesucristo, gui nzojmü car Tzi Ta jítzi, cja gui mbenijü, por guegue car Jesús dár cuatijü car Tzi Ta.

La vida familiar del cristiano

²¹Gui hmupjü cor ttjiqui quir hñohuijü, pa da fadi, guí göhtjojü guí ihtzibijü cam Tzi Jmujü Jesús, cja guegue-ca i mandadoquijü. ²²Nuquejü, guí bbejñajü, rí ntzöhui gui dyöjti quir damejü ncja ngu gri dyöjtijü cam Tzi Jmujü Jesucristo. ²³Nu car hñøjø, i toca da mandadobi cár bbejñä, ncja ngu num ñajü i mandadobi num cuerpojü. Ncjapü hneje, i mandadoguijü car Cristo, göhtjoguijögöjü como ngu xtá emejü. Xí nguzquijü ca rá nttzo ca ndí tujü, cja rí hñe guegue car ddadyo nzajqui ca dí pehtzijü. ²⁴Yü to xí hñeme car Jesucristo i tømhi guegue da mötzi, cja i jñegui da mandadobijü. Da ncjadipü hnar bbejñä co cár dame, da dyöjte göhtjo ca te i bbejpi, como i padí gue cár dame i sostiene. ²⁵Nuquejü, guí damejü, gui mah quir bbejñajü, ncja ngu car Cristo i ndo maj yí cjahni, hasta

bi dü por rá nguejcöjü. ²⁶Bi dö cár vida pa bi cjugui í mejtiguijü. Bbü ndü emebijü cár tzi palabra cja dü xixtjejü, bi ccuzquijü göhtjo ca rá nttzo ca ndí tujü. ²⁷Car Cristo xí joguijü cam hmüyjü, pa gu hmupjü limpio cja jin te gri tujü bbü xtá hmöpjü delante guegue. Bbü xta ncja-ca, göhtjo drá zö cam vidajü, gu jñejmü hnar bajtzi bbejñä ca ya xta ma ür ntjajti, xí jie cár vestido rá tzi nttaxi. Cam tzi Jmujü Jesús i ne da ccajtiguijü nxøgue drá zöguijü pa gu jñejmü guegue. ²⁸Ncja ngu ga majquijü car Cristo, ncjadipü car hñøjø da mah cár bbejñä. Da mödi cja da nü, ncja ngu ga möjtsje cár cuerpo. Porque ca to i mah cár bbejñä, ncjahmü guejtsje guegue i madi. ²⁹Dí göhtjojü dí ne num cuerpojü, hasta dí jonijü car manera ja gár tzijü cja co ja gár nüjü pa gu hmupjü rá zö. Jin dí jñeguijü gu tujü, cja jin dí üntsjejü. Ncjadipü car Cristo i föjquijü cja i nuguijü, göhtjoguijögöjü como ngu xtá emejü, ³⁰como dí cjaü ncja ngu cár cuerpo guegue. Masque dí hnahñojü, cada hnaaguigöjü, guejtjo í mejtiguijü car Cristo, dí göhtjojü. Eso, ya jin dí bbujtsjejü, como rí hñeh car Cristo cam nzajquijü. ³¹I mam pü jâr palabra ca Ocja, bbü ga ntjajti hnar hñøjø, da zoh cár ta cja co cár me pa da hmübi cár bbejñä. Ncjahmü ya jin gui bbü yojo, ncjahmü ya xí cja hnaatjo cár vidahui. ³²Ncja ngu car hñøjø co car bbejñä ca xí ntjajtihui, ya jin gui bbujtsjehui, ya xí mpejni quí vidahui, ncjapü hneje car Cristo cja co yí cjahni yü xí nguatijü. Ya xí mpejnihui-cü, ya xqui hnaadi cár

hməyju. Masque jin dí ntiendeju göhtjo ja ncja ga hnaatjo cə mí yojo máhmeto, pe dí tzö əm məy, gue nər ntjajti i ujtiguiju ja ncja ga mpejnihui quí vidaju quí bajtzi ca Ocja co ni cár vida car Jesucristo. ³³Guejtjo dí mbembiquiju ja ncja da hməbi quí bbejñə cə hñəjə cə xí ntjajti. Göhtjo vojmi da majtsjehui. Nər hñəjə da nú cár bbejñə ncja ngu ga núsje guegue. Cja nər bbejñə da dyəjti ca i mañ cár dame, da hñihtzibi.

6 Nuqueju, guí bajtziju, dyəjtiju quer ta co quer me, porque ya xcú hñemeju car Jesucristo, cja i ne ca Ocja pa gui dyəjtiju-cə. ²¹I bbəh ca hnar mandamiento xí xijquiju ca Ocja, bbə gu ətiju-cá, da ddajquiju hnar bendición. I ma ncjahua car mandamiento-cá: “Gui hñihtzibi quer ta co quer me. ³Gui dyəti-cá pa gui hməy rá zö cja gui hməjcua jar jöy rá ngu cjeja.”

⁴Nuqueju, guí tajə, dyo guí cjaju ddajcue. Gui nzojmu quir bajtziju cor ttijqui. Jin gui hna huentitjoju o gui ənijə bbə jí rí ntzöhui. Gui tedeju rá zö, ncja ngu ga ne cam Tzi Jmuju Jesucristo. Gui xöjpiju da dyəti ca rá zö, cja guejtjo gui ccahtziju bbə i əti ca jin gui tzö.

⁵Nuqueju, guí mefitjoju, dyəjti quir jmuju. Gui hñihtzibiju cja gui mbeniju, i pehtziju derecho da mandadoquiju. Gui sirvebijə rá zö, ncjahmu gri sirvebijə car Jesucristo.

⁶Jin gui jəndi bbə i jantiquiju gui pejmu, ncja ngu ga dyəti cə dda mefi. Nuqueju, guí sirvebijə göhtjo mbo ir məyju pa ncjapə grí dyəjtiju ca da tzəh ca Ocja. ⁷Gui mpöjmu grí pejpi quir patrónju, ncjahmu

gri sirvebijə cam Tzi Jmuju Jesús, como jin gui jəñə yə cjahni guí sirvebijə. ⁸Ya xquí padiju, cam Tzi Jmuju Jesucristo i ccajtiguiju parejo, yə jmu cja co yə mefi. Göhtjo ca dí ətiju, bí janti ca Ocja, cja bbə guí əti ca rá zö, guegue da ddahqui quer tjaja.

⁹Nu yə hñəjə yə i hñí mefi, da núju rá zö hneje, cja jin da dé da göhmi da castigajə. Gui mbeniju, i bbəh quer Jmugueju pə jar jitzi hneje, mismo-ca, őr Jmu quir mefiju hneje. Cja guegue i nuguiju parejo göhtjogugöju, tanto yə mefi, tanto yə jmu.

Las armas espirituales del cristiano

¹⁰Nuya bbə, gui zediju gui hñemetjoju cam Tzi Jmuju Jesús, cja guegue da möxquiju co ni cár ttzedi. ¹¹Ca Ocja xí xijquiju ja gár mfendetsjeju bbə dí ntəxtiju ca Jin Gui Jo. Gui mbeniju ter beh cə xí xijquiju cja gui dyətiju ncjapə, pa jin da dahquiju-cá. ¹²Jin gui gue yə cjahnitjo dí ntəxtiju, gue quí möxte ca Jin Gui Jo, co cə pé dda ángele cə i ntəxtihui ca Ocja, cja co göhtjo tema ndají rá nttzo. Nucú i pehtziju őr ttzedi da mandado hua jar mundo yə pa ya, i mföxju cár jmandado ca Jin Gui Jo. Hasta i bbəh cə ddáa cə i dyo pə jitzi ncja ngu cə ángele cə rá zö, i huíhtzibi cár jmandado ca Ocja hua jar jöy. ¹³Nuya bbə, gui mbeniju ja i ncja cə dí ntəxtiju, cja gui hməpju listo pa gui zediju. Ca Ocja ya xí xijquiju ja gár tajpiju ca Jin Gui Jo cja co quí möxte, bbə ga nguajquiju. Gui zediju bbə, pa jin da dahquiju, cja pa da jogui gui segue gui teniju car Jesucristo. ¹⁴Gui

dyøtija ncja ngu hnar sundado bbu i je cár traje gá xittegui, i fòjtsje cár cuerpo pa jin da ntjohti. Gui hñemejũ gøhtjo mbo ir møyjũ nár palabra ca Ocja nu i xijquijũ ca ncjuani, pa gui zedijũ, ncja ngu car sundado i nguti cár nguti pa da zetibi cár møy, cja da mehtzi fuerza. Nuquejũ, como ya xquí yojmũ car Jesucristo, gui mbenijũ, ya xquí ccajtiquijũ ca Ocja ncjahmũ jin te gri tujũ. Eso, da jñũ ir møyjũ, ncja ngu car sundado ca xí møjti hna pedazo ыр xittegui jár tiña pa jin da ntjohti. ¹⁵Guejtjo gui hmøpju listo pa grí xijmũ cũ cjahni nør evangelio. Gui xijmũ, ya xí hmøh madé car Jesucristo, cja ya xí jogui gu cuatijũ car Tzi Ta jitzĩ. Da ncjapũ grí jñejmũ hnar sundado, i tĩhti quí zextji pa da jogui da hño gøhtjo pũ jabũ da má. ¹⁶Guejtjo gui hñemetjoju, gøhtjo mbo ir møyjũ, ca Ocja da cumpli gøhtjo ca xí xijquijũ. Car mfeni-ca da jñejmi hnar escudo ca i penti hnar sundado, co nice, rí ccax cũ flecha gá tzibi cũ ba en cár contra. Nuquejũ, jin gui yomfenijũ ca grí hñemejũ, pa jin da dahquijũ ca Jin Gui Jo, como guegue dé i jon car manera da jiøjquijũ, i xijquijũ jin da ncja ca xí man ca Ocja. ¹⁷Hnar sundado i jux cár fay gá ttøgui, pa da gohmpi cár ña. Nuquejũ, ya xquí padijũ, car Cristo xí ngøxquijũ pũ jár dye ca Jin Gui Jo cja xí ddahquijũ hnar ddadyo nzajqui, pa da cuajtiquijũ pũ jabũ bí bbu guegue bbu xta zũh car tiempo. Eso, gui mbenijũ-ca, cja jin te gui tzujũ. Guejtjo gui cupajũ nár tzi palabra ca Ocja, como xí ddajquijũ-ca car Tzi Espíritu Santo. Nár palabra ca Ocja i jñejmi hnar espada pa gu mføjtsjeju

cja pa gu tapi cam contrajũ. ¹⁸Jin gui jiejmũ ca grí nzojmũ ca Ocja. Gøhtjo ыр tiempo gui ñahui mbo ir møyjũ, cja car Espíritu Santo da xihquijũ ter beh ca gui dyøpjiũ cam Tzi Tajũ jitzĩ. Gui tzødijũ, gui jñajũ ыр huenda pa jin da hna jiøhquijũ cam contrajũ. Jin gui desmayajũ ca grí orabijũ cũ pé dda hermano hneje, gøhtjo cũ to i ten car Jesucristo. ¹⁹Guejtjo, gui nzojmũ tzũ ca Ocja por rá nguejqigö, da möxqui pa jin gu ntzũ bbu xta ttzojnqui. Gui dyøpjiũ da xijqui palabra rá nzedi, drí ntzøhui pa da dyøh cũ cjahni cũ dra bbũh pũ jar jujticia. Porque dí ne gu mǎ rá zö, ja i ncja gøhtjo nør tzi ddadyo jña nu xí døjqui car Cristo. ²⁰Guehca xtũ xij yũ cjahni nør palabra-nũ, eso dí bbøjcö födi. Pe ndejmǎ ыр jmandaderogui car Jesucristo. Gui dyøpjiũ tzũ ca Ocja da möxquigö pa gu xij yũ cjahni cár palabra ncja ngu rí ntzøhui. Jin gu pehtzi ым tzö cja jin gu ntzũ.

Saludos finales

²¹Nuya bbu, car hermano Tíquico da xihquijũ te dí cja o te dí pefi. Guegue ым hñohuijũ, i pejpi cam Tzi Jmujũ Jesucristo gøhtjo mbo ыр møy. ²²Ya xtrá pejnigö pũ jabũ guí bbøpju pa gui padijũ te dí tjoguije hua, cja da jñũ ir møyjũ.

²³Guejnu dí negö, da hmøy rá zö gøhtjo cũ hermano. Cam Tzi Tajũ jitzĩ, yojmi cam Tzi Jmujũ Jesucristo da möxquijũ pa gui majtsjeju cja gui segue gui hñemejũ. ²⁴Cam Tzi Tajũ da mötzi gøhtjo yũ cjahni yũ i ten cam Tzi Jmujũ Jesucristo, guejyũ jin gui jejmũ ca rí jionijũ ca Ocja gøhtjo mbo í møyjũ. Amén.

I ttzedi hua nar carta-na.